

Soraarnerussutisiaqarluni ukiut angunerini annertuumik innarluutillit ikiorserneqarnissaat pillugu maleruagassat tunngavigalugit pisinnaatitaaffiisa annaaneqannginnissaanut isumannaarinninnissamut, Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Agathe Fontain, Inuit Ataqatigiit)

Akissuteqaat

(Ilaqutariinnermut Inatsisinillu Atuutsitsinnermut Naalakkersuisoq)

Aappassaaneerpeqarnera

Ilaqutariinnermut Peqqissutsimullu ataatsimiititaliap peqqissaarullugu suliarisimasaanut Naalakkersuisut qujapput.

Ataatsimiititaliap oqaaseqaatai Naalakkersuisunit tusaatissatut tiguneqarput.

Taamaammat utoqqalinermi pensionisiat pillugit inatsisip aqqissuuteqqinneqarnissaanut piareersaanermut atatillugu Naalakkersuisut qulakkeerniarpaat, Ilaqutariinnermut Peqqissutsimullu Ataatsimiititaliap oqaaseqaataasa inassuteqaataatalu ilanngunneqarnissaat, tassa inuit annertuumik innarluutillit utoqqalinermi pensionisiat pillugit maleruagqusanut ilaatinneqarnerannut atatillugu pisinnaatitaaffimminnik annaasaqannginnissaat qulakkeerniarlugu.

Naalakkersuisut matumuuna inassutigaat aalajangiiffigisassatut siunnersuut akuersissutigineqassasoq.